

ME HYE ASE WO NYANKOPON NE DZIN MU, JDOMFO, MCBORHUNFO NO.

Fida Nyamesemka: Kwakwar 15, 2013

(Summary of Friday sermon – 15<sup>th</sup> February 2013 – Fante Translation)

**KHALIFATUL MASIH ENU N'ESUAFO NO HON NYIKYERE NA ADAASO.**

Hadhrat Khalifatul Masih kaã de nda da yi dze ne nsem a oã Anohoba Messiah (asomdwee nka no (ANN)) n'esuafo no hon kusum ho beba ewiei. Dem kusum ho nsem yi wõnam nsem apõwapõw ahoroo do boaboa ano gyinaa do dze kaa Nyamesem no.

Oã bi a odzii dem dwuma yi, wahye hon de wõndõ esuko nnunu mu nhwe de wobena kusum nsem bi a aka a wõdze aba ma wõada no edzi wo mber bi. Dem kusum yi õye nwanwa do n'ano robõ wo Kwakwar bosoom mu ma õnye Hadhrat Musleh Maud (Nyankopon N'enyi ngye no ho (NNN)) edzi ehya. Dapen a o'etwa mu no, yekaã nsem a oã no kusum ho kakra na kusum nsem a yebeka no nde yi, ne nyinara botwa afa Hadhrat Musleh Maud (NNN) ho. Nda enum ekyir no Jama'at behye fa dze kaã Musleh Maud nkõnhye a oã Anohoba Messiah (ANN) no nokwardzi edzi. Nokwar nye de Musleh Maud (NNN) õannwo no Kwakwar 20.

Musleh Maud (NNN) ho nsem a yerekã a oã no kusum ho yi kyere awerhyemu a Nyankopon dze maa nkorõfo na mbrõ hon a wõtsew hon ho kekaã Lahore kuw no ho sanee bae, beyee Bai'at fofor bekaã Khilfat e Ahmadiyah ho. Hadhrat Musleh Maud (NNN) õõw nkotorka na obende pii. Ber a wõrotow aba eyi no no, atwetweakõ na atwetweaba kesenara sii. Abemfo no mu etsisir a wõwõ Jama'at no mu a wõnye Anohoba Messiah (ANN) bõ awer papaapa no faa Jama'at foto nyinara na egyapadze bi dze fii Qadian. Ndzeyee bi a osii wo Jama'at noara no mu õnye dza ofii ehuwmu hon nyinara tuu hon tsir guu do naaso nna aber biara Nyankopon No mboa dzi no abamba ma etsisir dze akokodur õõw ano. Oãnam Nyankopon N'adom do Jama'at no kõr do ara nyaa kankõ de mbrõ yehu no nda ara so yi.

Hadhrat Sheikh Ismail sahib (NNN) .Oyee Bai'at wo afe 1894. Dze n'adaaso too gua de:

Ber a nna Hadhrat Khalifatul Masih (NNN) a odzi kan no tse nkwaã mu no, mosoo daa bi a oã no Hadhrat Mahmood ne Khalifat ho. Muhun de Hadhrat Khalifatul Masih (NNN) a odzi kan no epira na yarba bi so akã no. Medze me nsa too ne nsamu na mesee de emi nye wo kadofo a odzi kan. Oyii me ano de õntse dza merekã no ase. Ho ara na obi kaã de õnam nyikyere na adaaso do wõaka akyerõ no de "Yeaye Mahmud Khalifa".

Hadhrat Ameer Muhammad Khan sahib (NNN) a õye noho nyimpa akyerew de ne dzin nyinara nye no naaso yekõ kusum mu a wõakyerew no de Ameer Khan. Mbom noara ne krataa si no pi de ne dzin nyinara nye no. Afe a õyee Bai'at nye 1903. Na oãkaã de: Afe 1913 mu no, muhun no wo adaaso mu de eduwa hon akese bi sensen dua bi do rutwutwu hon ho ye dede anõdzen mu ara a ma õye dzen de ebetse asem. Ho ara nna nsu a

n'ano ye dzen hyee ase de ɔrotɔ ma edua bon no a akyenkyen no, tsetsewee tɔɔ famu. Hadhrat Musleh Maud (NNN) kaã de wɔsae Abɔnsam ne fie; siesiara dze ɔye aheebun yi obefir wɔ asaase no do na ɔasow eduaba. Obisaa siantsir a ɔtoo no dzin Abɔnsam fi, ma obuaa de Anohoba Messiah (ANN) na ɔtoo no dzin dem no. Obi hyee ase de ɔdze ndze dzen reka Anohoba Messiah (ANN) no nkɔnhye pii a aba mu no ma ɔmaa etsiefo no abotɔyemu na enyigye kese. Alhamdulillah, dem adaaso yi baa mu wɔ Khilafat a ɔto do ebien aber do, ber a Maulwi Muhammad Ali na ne nsefo dze basabasaye baa na wofii Jama'at no mu ber a wɔwɔ Qadian no.

Adaaso bi a mosoo no wɔ afe 1921 mu, metsee no de Hadhrat Khalifatul Masih (NNN) reka de Anohoba Messiah (ANN) no nkɔnhye kyere de se nyaa no a wɔabɔ no ho anohoba nya ba a wɔbeyɛ ahensi nhyiamu ama no. Yedween de ɔbeyɛ Ngyiresi Jhen George a ɔto do enum n'ahensi. Yehu no siesie de otwa fa nya no a wɔabɔ noho anohoba krɔnkrɔn no a ɔye Sahibzada Mian Mahmud, na n'ahensi no so twa fa ne tsenabea a ɔye Khalifat no. Emi na Hadhrat Khalifatul Masih (NNN) nyinara hen enyi gyee dodow. Nna modwen de iyi beyɛ ho mfe pii n'ekyir na meda Nyame ase de aye m'enyim. Adaaso no so, wɔmaa muhun de, ɔbeyɛ den beyɛ ma Mian Mahmud aye Khalifa wɔ ber a Hadhrat Khalifatul Masih a odzi kan no dzi adze. Iyi na wɔkaã kyere me de ɔnnye adze a obenyin akyer osiande hɔn a wɔye Nyame adɔfo no nnyin mbordo mbordo.

Ber a Hadhrat Khalifatul Masih (NNN) a ɔto do ebien ye Hajj ansaana ɔrebeyɛ Khalifa no, muhun wɔ adaaso mu de, etsiafo no afa muslimfo no ndɔmum. Hen mu kor tui kor sor na ɔdze abɔdzefo ahɔɔzenfo bi bekaa hɔn hyee. Mekyerew m'adaaso yi kɛmaa Hadhrat Khalifatul Masih a ɔto do ebien kaã de ɔkyere ne nserahwe na sor abɔfo bodwir ɔnam no mpaabɔ ntsi.

Wɔ afe 1913 mu no meyeɛ Isha asɔr na woyii Nkɔmhyenyi Krɔnkrɔn (Nyankopɔn N'asomdwee na N'nhyra ndwir no do (NNNN)) na Anohoba Messiah (ANN) wɔ adaaso mu kyere me. Muhun ahotseweefo pii a woehya mu wɔ petee mu reye asɔr nna Hadhrat Khalifatul Masih a ɔto do ebien ka hɔn ho. Nhyiren a ɔye huam wɔ hen enyim ma yetse ne nka huam no. ɔkaã kyere me de se obi rohua nhyiren no a ɔntwe mfi no hwen ho nnko ekyir kakra, ama ɔatse no huam no yie.

Adaaso bi so a ɔsoo no wɔ 1913 mu no, ohun adan a po amen hɔn ma wonnyim de wɔaben hɔn nsee. Dem adaaso yi hyee ma wɔ ber a hɔn a wosusu Khalifat esusu bɔn no wɔropow hɔn no.

Afe 1930 mu no, mosoo daa a nna morofow atwer bi ma Hadhrat Ummul Momineen (NNN) dzi m'ekyir. Ohuun amandze hu a mowɔ mu no ɔmaa me akomatɔyemu de meka ne mba ho. Miyii atwer bi so kor fie bi mu a nna ɔye Anohoba Messiah (ANN) ne fie. Menyaa edwuma wɔ ho a ɔye Anohoba Messiah (ANN) n'ebusuafo dze. M'akɔtua a megye de meye obi a ɔye edwuma ɔhwedofɔ no n'abadziekyir no sɔ sen akɔtua a megye wɔ Anohoba Messiah (ANN) n'ebusuafo dze no koraa. ɔnam de nna edwuma no m'enyi nsɔ ntsi obi bisaa

me siantsir a megyae m'edwuma dadaw no. Mubuaa de obi too me brada wo edwuma no mu. Obisaa me bio siantsir a m'amma edwuma ntsem ma me buaa de mowo aserefo bi wo fie a hon ho mmfa hon a morohwe hon. Hadhrat Ummul Momineen kaã de ayerfo hon nhwee gye mber. Afei muhun de nkorfo bi ahen Hadhrat Khalifatul Masih (NNN) ne fie ho de wodze basabasaye reba ho. Medze nkrantsee a okitsa me no paam hon kor ekyir. Ho ara so nna obarimba bi a okitsa nkrantsee baae. Medze me nkrantsee a okitsa me twaa ne dze no mu. Mbarimba binom so twaa Hadhrat Khalifatul Masih (NNN) a oto ebien no ho hyiae na oserere me de mombu dem nkorfo no ngu na munkum nyimpa no a ofrefre basabasaye no na mutumii yee so. Hadhrat Ummul Momineen na Hadhrat Khalifatul Masih (NNN) a oto do ebien no maa me enufunsu (milk) ma monomee; obi bisaa me siantsir a moronom enufunsu no na me buaa de enufunsu no nomee ye ma wo.

Mekyerew krataa kema Huzur na menyaa mbua fii Hadhrat Khalifatul Masih n'asoee de nye adaaso papa na Nyankopon bema m'asom Jama'at no wo kwan bi mu. Abosoom kakra ekyir no mekyereew krataa kema Huzur bio a me kyeree Mistri hon amumuyedze na apolisifo so hon ndzeye bon a obor me ntseasee do. Motwee Huzur n'adwen gyinaa me krataa dadaw no do nye no mbua a okyeree de wobeye me mboa ma m'asom Jama'at no. Mekaã de nye mepere mbordo de mobosom naaso me nnyim mber yi besi aye ho; na moboo mpaa maa Nyankopon, annkyer biara na Nyankopon maa me kwan ma mosomee. Mfe esoun ekyir no nna m'adaaso no baa mu wo n'akwan biara mu. Afe 1920 mu no medze me ndadze guu famu onam edwuma mu panyin bi no nsusui ntsi. Okaã kyeree me de no so obegyaa edwuma na oengyae. M'akotua a nna megye wo edwuma dadaw no mu so sen ma siesiara megye wo Jama'at mu de mber m'adaaso tse no. Meyee edwuma maa Tehrik-e Jadid, dwumadzi a Hadhrat Khalifatul Masih (NNN) a oto do ebien noara hwe do no.

Hadhrat Khair Din sahib (NNN), nyee Bai'at wo afe 1906 mu. Okaa n'adaaso bi de: Muhun wo adaaso mu de Hadhrat Musleh Maud (NNN) ne nsa nyimfa aye tsentseentsen beye foto eduonum enum (55 feet). Iyi kyere de Nyankopon ama no tum soronko a obiara nnkotum nye no edzi esi wo ho. Muhun de nna otse bamba tsiatsiaba bi do. Mibisaa siantsir a onam do ma orusu ma obuaa de "anhwe a nkorfo beye me bosom asom me". Muhun wo adaaso mu a Hadhrat Musleh Maud (NNN) onam nkorfo hon sor gyanabew do dze nkrataa remema hon. Me bisaa de ana moso mowo gyanabew wo sor anaa ma osee me de nyew. Minyaa adwen wo iynom ho de dza muhune biara onam Nkomhyeho kandzea do. Muhun no wo adaaso bi so mu de obarimba bi a wofre no Yusuf gyina Hadhrat Khalifatul Masih (NNN) a oto do ebien n'afa na obarimba bi so a wofre no Sher Ali gyina n'afa. Nyankopon kaã kyere me de obinom tan Hadhrat Khalifatul Masih (NNN) a oto do ebien ne kanko naaso onam Nyankopon Ne mboa ntsi obiara nnkotum eedzi no ewu. Muhun no wo adaaso mu ber a nna Mistrisfo remema honho do tsia Hadhrat Khalifatul Masih (NNN) a oto do ebien no de orutu mpansar wo sor kyere de ne gyanabew so ara ma obiara nnkotum edzi no ewu.

Hadhrat Khalifa Nur Din sahib (NNN), ɔyɛ Bai'at wɔ afe 1891 mu. Ɔkaã dɛ: Muhun abofra bi wɔ nyikyerɛ mu wɔ afe 1941 mu. Nna obiara rekyerɛ no dɔ ma no. Moso memaa no do too me nsa kɔkɔmu na mekyerɛɛ ɔdɔ maa no. Nna abofra no suar dze naaso nkorɔfo dɛ oedzi mfe eduanan ebiasa. Menyaa nkanyan na muhun dɛ Hadhrat Khalifatul Masih (NNN) a ɔtɔ do ebien no edzi mfe eduanan ebiasa wɔ afe 1941 mu. Anohoba Messiah (ANN) n'awensem bi a ɔkyerɛwee a ɔkasa fa ɔba banyin ho no, kasafua a ɔdze 'aik' a n'asekyerɛ nye 'kor' no hyɛ awensem no mu. Sɛ yɛhwɛ Arabic akyerɛwamba ne nhyehyɛɛ a 'aik' gyina hɔ ma nkanee eduanan biako. Sunsum mu mudzi so hyɛ ase wɔ ber a edzi mfe eduanan. Dɛm ntsi na woyii kyereɛ me wɔ nyikyerɛ no mu dɛ oedzi mfe eduanan ebiasa no.

Hadhrat Rehm Din sahib (NNN), ɔyɛ Bai'at wɔ afe 1902 mu. Ɔkaã dɛ: Menyaa nyikyerɛ bi fa Khalifatul Ahmadiyyah ɔtoado ebien no ho. Muhun Maulwi Muhammad Ali na Hadhrat Khalifatul Masih (NNN) a ɔtɔ do ebien dɛ wɔwɔ beebi kor. Aber no mu no, muhun dɛ Maulwi Muhammad Ali no honam rofɔn ara ma ɔyɛɛ dɛ abofraba dze. Mbom hadhrat Khalifatul Masih (NNN) a ɔtɔ do ebien no no honam hyɛɛ ase dɛ orinyin yɛ kɛse ara ma ɔbor dza nyimpa wɔ dɛ ɔyɛ kɛse kodu wɔ kɛseyɛ na tumdzi mu. Adzekyee no me tsir mu a ɔyɛ me konsee nyinaa yewee ma meyɛɛ Bai'at.

Hadhrat Hakim Atta Muhammad sahib (NNN) ɔkaã dɛ: Meyɛɛ Bai'at wɔ Hadhrat Khalifatul Masuh (NNN) ne nsamu bosoom kor ekwir no obi nye me kɔr Maulwi Muhammad Ali nkyɛn keyɛɛ nkɔmhyɛ ho mpensapensamu. Yɛdze sema beyɛ eduonu yɛɛ na ɔyɛɛ enyigyɛ dodow. Dɛm da anafua no meyɛɛ asɔr serɛɛ Nyankopɔn dɛ dza Maulwi Muhammad Ali akã biara yɛ nyansasɛm ma me ntsi Nyankopɔn nkenyan m'akoma. Anafua noara so muhun no wɔ adaaso mu dɛ Anohoba Messiah (ANN) no nam ahochar do reba me do na ɔkaã kyereɛ me dɛ monhwɛ. Muhun dɛ aborɔnoma bi dze ebufuw rohwe aborɔnoma bi so a ɔaketsena aborɔnoma kor bi so ne kyim do. Anohoba Messiah (ANN) no kyereɛ mu dɛ aborɔnoma a wetu adaa enyi nngye aborɔnoma no a hɔn so wotu adaa no a wɔtsena hɔn nsefo hɔn kyim do no. Dɛm ntsi woso mma nnkɔ Paigham Asoɛɛ hɔ (bea a Ahmadiyyafo no a wɔnngye Khilafat e Ahmadiyyat nndzi no hyia no). Mekaã dɛ monnkɔkɔ hɔ. Ber a me nyanee no medaa Nyankopɔn ase ɔnam N'adom ntsi.

Hadhrat Dr. Ahmad Ghani sahib (NNN) yɛɛ Bai'at wɔ 1907. Ɔkaã dɛ: Ahmadiyyafo a wɔwɔ Nairobi no yɛɛ Bai'at wɔ Hadhrat Khalifatul Masih (NNN) a ɔtɔ do ebien no ne nsamu, mbom emi ɔnye nkorɔfo kumaabi annyɛ bi. Mokɔr India ara nna Ɔkɔ Kɛse no hyɛɛ ase, ɔnam dɛm ntsi mohwehwɛɛ edwuma yɛɛ. Nna metaa kɔ Paigham Asoɛɛ keyɛ asɔr na meyɛ nsem ho mpensampensamu. Obi a ɔwɔ hɔ kaã dɛ abemfo a wɔwɔ hɔ nyinara ka hɔn ho kɔ afã. Metaa kɔ efiadze bi a no wura dze Haji Musa sahib na me nye Munshi Mehbook Alama sahib yɛ mpensampensamu dzendzeendzen. Da kor bi obisaa me siantsir a ɔnam do ma mokɔ Paigham Asoɛɛ hɔ na miyii no ano dɛ me ketsie Nyamesɛm (Dars). Ɔserɛ me dɛ me nye no nkɔ nketsie Dars dɛm da no, na menye no kɔree. Maulana Rajiki nna ɔmaa Dars wɔ dɛm da no. Dɛm da no ne dars a ɔmaa no oyii fii Koran ne fã a ɔtɔ

do ebien no. Ne nsem no mu do yie eso oye tootsen a nna mentsee bi da. Onoara oyede obi a n'adwen mu nnwo yie naaso ne nsem no maa bobor boor me osiande nna sunsum mu nyimdzee wo mu. Ber a motonton no no, waka kyere me de ono na otsetsee Maulwi Muhammad Ali wo Koran nyimdzee ho. Moho popoe wo dem mber mu ma mosoo daa. Muhun wo adaaso mu de migyina asorfi a me pe de mikita nsu naaso nna nsu nnyi ho. Me fiir edzi de morokohwehwe nsu na muhun de mowo asordan bi a otse de Paigham fo hon asoee mu, na ho na me nyaa nsu. Mubue nsu no muhun de nsu korangyee reba ahyese no, na ekyir no nsu no enyi danee, na afei otwae. Dem ntsi me yee m'adwen de me besan ako asordan dadaw no mu, na me yee de moroko no ara na obi tamee suoo me nan mu na obisaa me de ebenadze ntsi na mokor dem asordan no mu? Na nkye onnyi de me san m'ekyir fir edzi wo asordan no mu. Na me yii no ano de onnhia de me san mekyir fir edzi wo dem asordan no mu. Na mesaan m'ekyir kor asordan a odzikan no mu, na mekenyaa nsu korangyee wo ho. Na mokotoo de Maulana Rajiki reka Nyamesem a ofir Hadith mu wo ho. Na me kaa de oye den ye ma nsu pii wo ha na munnhu yi. Na muhun de obi kitsa nkrantsee gyina me nkyen na m'adwen yee me de Khalifa a oto do ebien asoma no de omboku me, osiande me ye nyaatwumnyi. Na me kaa kyere hon de oho me ye gyedzinyi. Gynabew yi sesae na muhun de medze nkrantsee na oye me de nna oye Muharram bosoom no mu. Na muhun de mboframba bi reka hon ara hon ho mpre. Na me maa wo guan guanee. Na oyee mede apolisifo aba de worebe satse me ba bi ne fie, na oyee mede waba de wrobo hwehwe me nkrantsee no, osiande nna minnyi ho tum krataa na oyee mede medze dem nkrantsee no fir Ebibirman mu (Africa) bae. Iyi ekyir no meyee Bai'at wo Hadhrat Khalifatul Masih (NNN) a oto do ebien ne nsamu na iyi ekyir no m'enyi do tseew me.

Hadhrat Dr. Nehmat kaã de, oyee Bai'at wo afe 1896, mber a woyii Hadhrat Khalifatul Masih a odzi kan no, me kyereew me Bai'at ho nwoma kema Hadhrat Musleh Maud (NNN). Dem mber no ara na me nyenko bi kyereew me krataa de mentwe Bai'at no nnsan. Onam de nna menye no wo nkitahodzi a no mu ye dzen ntsi meyee dza oke no. Hadhrat Khalifatul Masih (NNN) kyere mu de Maulwi Ghulam Hussien Peshamari nna oye Hadhrat Bashir Ahmad n'asew na ono wanye Bai'at wo Hadhrat Musleh Maud ne nsa mu wo ahyese no mbom oyee no wo afe 1940 mu na moko doom Lahore Ahmadiyya Kuw no na oye Nyame N'adom de mannsesa m'adwenpa a nna mowo no wo Anohoba Messiah (ANN) nye n'ebusuafo ho na m'annka hon ho asem bon biara so da. Metsenaa Kuw yi mu mfe pii. Afe 1930 mu no, muhun wo adaaso mu de fi kese bi wo mpoano na po asorkye ne dede no ba fie ho pii. Nna Maulwi Ali fi fie ho ropue, muhun de n'enyim fa bi ye fufuw na fa bi so ye tuntum. M'adwen mu a oyee faa wo no ho nye de nna no sunsum mu gynabew wo Anohoba Messiah (ANN) n'aber do no yie na mbom ekyir no ne gynabew asesa. Afe 1933 mu aber a nna me yer na me mba nnyi me nkyen no, me nsa kaa krataa bi fii m'ebusuanyi bi ho de monko Qadian ntsempa noara. Nna ope de otu kwan ko Americaman mu na ope de odze ne dan a orisi no ho dwumadzi hye me nsa. Dem ntsi mokor Qadian kohwee ma wosii dan no.

Na me yer na me mba so bekaa mo ho. Nna Qadian asetsena no ye soronko koraa, dem ntsi dza nna nye m'adwen mu konsee no nyinara fii ho ma me sanee ye Bai'at fofor. Nna nye de Nyankopon ama me nkwa fofor wo aber a nna m'anyankofo nkaa no da ho tse hon tsebea no ara mu. Muhun de hon akoma ehu nokwar no naaso fer ntsi wonntum nsesa hon gyedzi, muhuun de adakaba hwenhwen fefew bi sensen wimu a ofi sor reba famu na motuu anamon de moroko ekosuo mu ara per na ndze bi fii sor tsiaa mu de "Islam nkunyimdzi" na dede no ano dzen ntsi no, omaa m'enyi do tseew me. Na adwen yi baa m'akoma mu de nna nye Ngyiresi Aborokyr man mu ahenkyew.

Hadhrat Mian Soney Khan sahib (NNN) kaa de:

Mber a Ahraarfo reye hon basabasano, mehyee ase de morobo mpaa na mereka Durud . Na muhun Nkomhyenyi (NNNN) wo adaaso mu. Muhun efu mpoko ebiasa a nna Nkomhyenyi Kromkrom (NNNN) tse kor do na Hadhrat Abu Bakr so tse kor do na esuafo no so tsetse bi do. Na Nkomhyenyi Kromkrom (NNNN) kaa kyere me de monko m'enyim ntsentsen do ama atanfo no esuro, na ekvir no oka kyere me de me nsan m'ekvir osiande m'anamon mu nantsew no reye dede dodow. Na ofii n'efu poko no do sanee na okor "Masjid Mubarak" na n'esuafo nyinara dzii n'ekvir. Na Nkomhyenyi gyaa n'esuafo no wo asordan no mu na okor Hadhrat Khalifatul Masih (NNN) a oto do ebien ne fie. Ber a Ahraarfo hon basabasaye roko do no me ye asor dzendzen na muhun adaaso bi de obi reka de Molvis no aba na wo se wo pe de wotu Ahmadiyyat ase koraa. Nna mistrifo so ka ahraarfo hon ho. Na me faa Ahmadiyyafo kumaa bi de medze hon roko hon nkyen. Ye koduur hon nkyen wo Asr asor ber na midzii hon enyim nye hon ye asor. Na Ahmadiyyafo bi so bekaa hen ho. Mohwee sor na muhun bosoom ebien, nna kor ahyeren hann na kor dze edum. Annkyer na bosoom a oto do ebien no so hyee ase de ohyeren, na ohyeren de dza odzi kan no pepereper. Na obi tsiaa mu kaa de bosoom a odzi kan no ye Anohoba Messiah (ANN) nna dza oto do ebien no ye Hadhrat Mirza Bashirudin Mahmud Ahmad, Musleh Maud (NNN).

Huzur kor do kyerekyeree mu de Mistrifo hon ntwatodo nsem no nna nye hu papaapa. Hadhrat Musleh Maud (NNN) kaa de, onkyeree nna wodze nsem bi too mo do wo asendziibea. Wasoma de nkorfo bi de wonko kumkum binom. Dem nkorfo yi ka Makyin Soyam efiadzefo ho na hon ara so na wodze ewudzi asem yi kor asendziibea. Asem fofor a wodze too mo do wo asendziibea fofor so nye de mma obiara ngye m'egyina mudzi nntomu dabiara da. Oka de nyimpa kum ye asem a so. Mbom me mbo mpaa nntsiaa hon naaso nkorfo yi nyaa dem adwen bon yi tsiaa hon ara hon ho. Onkyeree na binom hon adwen buu hon fo de mereye biribi etsia hon. wo gyinaa siantsir bi do dze bo dawur wo nkrataa mu na wo gyinaa do dze ye basabasaye pii. Oka de hon a wonnyi suban pa no fa akwan ahorow do de wonam ebufuw do botua nkorfo kaw. Dem ntsi wo hyee ase de wodze dem ntwatodo nsem yi roto gua. Dzaa Ahmadiyya abaksem nwoma no aka afa iyi ho nye de; mber a Ahmadiyya hyee ase de oridzi nkunyim na otu mpon no, na Hadhrat Musleh Maud (NNN) ne dzin hyee ase de oretserew wo oman ne fenandze nyinara no, nkorfo a wo ye atanfo no

enntum de wabe gyina ano, de wobo hu wo Ahmadiyya no nkunyimdzi nye ne kanko ho, dem ntsi wosoree tsiaa dzendzeenzen. Dem ntsi edwumayefo bi a nna woye Makyin ho edwuma soree tsia Ahmadiyyafo.

Se ye yi okum ntwatodo a wodze too Hadhrat Musleh Maud (NNN) do fi ho a wotsimtsiim nkrataa kekaa nsem a commfata faa Hadhrat Musleh Maud (NNN) ho dze hyehyee no ahohoraa. Wonom kwan yi do dze hyee dom ebufuw dze tsiaa Jama'at yi. Basabasaye yi nna ogyina Ahmadiyya hon atanfo do a nna wohye ekyir redzi dem dwuma yi. De mbre wobotum abere Ahmadiyya ase anaaso wogu Ahmadiyya enyim ase no wofaa akohwi kwan ahorowdo. Iyi na oreyere atanfo no hon ekotooye nye hon nkogu gynabew na iyi maa Hadhrat Musleh Maud (NNN) n'enyimyam beyee de Hadhrat Yusuf dze no pereper. Okyere abotar nwanwaso nye fasusupa wo atanfo no hon ndzeyee bon nye ntwatodo mber no.

Wo afe 1927 Jalsa Salana ber no Hadhrat Musleh Maud kaã de, oye Nyankopon N'akwan de oma nsem a otsetse dem yi to to Nyamesom Kuw. Onnyi de ohaw obiara. Dza ohia nye de yebeye hen afamu dze, oye de yebowe hen asodzi yie. Onnyi de yema atanfo hon ndzeyee bon no haw hen. Nyankopon noara bema nya oye ne dze no nkunyimdzi. Nyankopon noara na ohwe nsem nyinara do. Se Ahmadiyya ye nyimpa ne nsaano edwuma a nkye obeye den atsena ho akpem dem mber yi. Okuw yi ye Nyankopon noara no kuw. Onoara na wahwe do mber a wabesen kor, na Onoara so bowe do ndaamba. Nyankopon aka akyerere me de kuw yi bedzi nyim, obotu mpon na orenkyer koraa. Obi aka de obewe de kuw yi runntu mpon. Na yebowe de me Nyankopon na N'sem behye ma anaa nyimpa yi a.

Huzur kaã de nsem yi nyinara no tu twaae wo aber a nna atanfo no ara etwa hon ho etsia hon ho hon ho. Siesie ara mpo se aban boa hon ma wosor tsia hen a wotwa hon ho ko tsia aban no. Yebon mpaa de Nyankopon botwitwa agye Jama'at yi nna wama kuw yi ako do ara etu mpon. Nyankopon nkron Anohoba Messiah (ANN) n'ekyirdzifo a yebobo hon edzin nde yi, na oma hon mbasantsen nya hon mpaabo ho mfaso, na wontum ntsiatsia hon anamom mu. Nyankopon mbo Ahmadiyyafo nyinara ho ban na Omma nkitahodzi a no mu ye dzen mbeda hon nye Khilafat Ahmadiyyat ntamu.

Huzur dze too gua de obeye efunsie asor ama Sardar Muhammad Parwana sahib a wofe mu no. odzii mfe eduosun ebiasa.

Translated by: 1. Mr. Alhassan Kobina Atta-Wenchie  
(Tutor in English Language, Jamiatul Mubashireen, Ghana)  
2. Maulvi Alhassan Bashir Annan Sahib  
(Tutor, Jamiatul Mubashireen, Ghana)

Downloaded from: [www.jamiatulmubashireen.org](http://www.jamiatulmubashireen.org)  
Contact: [www.jamiatulmubashireen.org/contact-us](http://www.jamiatulmubashireen.org/contact-us)